



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ordo recipiendi SS. Christi Corpus è sepulchro in sancta nocte Paschæ.

urn:nbn:de:hbz:466:1-41233

Verum, cum hæc Cerimonia non valde tuta fit in Ecclesiis ruralibus, aliisque in locis, ubi fidi custodes & devote psallentes non reperiuntur; rectius illic faciet Sacerdos, si Corpus Dominicum post finem divini Officii tum in suum locum, vel Reservatorium solitum, reverenter deportaverit, illicque conclusum, tuto asservaverit.

Ordo recipiendi SS. Christi Corpus è Sepulchro in sancta nocte Paschæ.

Nocte sanctâ Paschæ, horâ congruâ, Sacerdos, indutus albâ seu superpelliceo, stolâ & pluviâ albi coloris, & duo vel quatuor ministri (si haberi possint) cum debitis paramentis, præcedente Thuriferario cum incenso & thuribulo fumigante, sequentibus juxta Crucem duobus Ceroferariis cum candelis accensis, Choro ac Clero, singulis cum suis candelis, veniunt ordine ad sepulchrum, pro deferendo processionaliter sanctissimo Sacramento. Coram quo factâ aliquantisper, cum genuflexione, sub silentio, Oratione, suas singuli candelas accendunt. Sacerdos, surgens ac stans, imponit incensum in thuribulum, absque benedictione. Deinde genuflexus thurificat Venerabile Sacramentum triplici ductu; illudque velo albo oblongo reverenter tectum, processionali ritu, præcedentibus Clericis cum luminibus accensis, & ministro continuè thurificante, cymbalisque personantibus, deportat ex sepulchro ad Altare majus, vel aliud, ubi ordinariè asservari consuevit: interim Choro inchoante, & in tono festivo, interposito etiam ubi fieri potest Organo, cantante sequentem Hymnum:

A Vrora cælum purpurat, Æther resultat laudi-



laudibus , Mundus triumphans jubilat ,



Horrens Avernus infremit.

Rex ille dum fortissimus

De mortis inferno specu

Patrum senatum liberum

Educit ad vitæ jubar.

Cujus sepulchrum plurimo

Custode signabat lapis ;

Victor triumphat, & suo

Mortem sepulchro funerat.

Sat funeri, sat lachrymis ,

Sat est datum doloribus :

Surrexit extinctor necis ,

Clamat coruscans Angelus.

Vt sis perenne mentibus

Paschale Iesu gaudium ;

A morte dira criminum

Vitæ renatos libera.

Deo Patri fit gloria ,

Et Filio, qui à mortuis

Surrexit, ac Paraclito ,

In sempiterna sæcula. Amen.

Itaque Sacerdos, cum pervenerit ad Altare antedictum, & posuerit ibidem Venerabile Sacramentum, facit profundam genuflexionem; stansque iterum, imponit incensum absque benedictione, & Venerabile Sacramentum triplici ductu, genuflexus, incensat. Postea canitur à ministris, vel ipso Sacerdote, ipsis deficientibus, *Vers.* Surrexit Dominus de sepulchro, alleluja. *Resp.* Qui pro nobis pependit in ligno, alleluja. Sacerdos subjungit:

Oremus.

DEus, qui hanc sacratissimam Noctem gloriâ Dominicæ Resurrectionis illustras: conserva, in nova familiæ tuæ proge-
nie, adoptionis spiritum, quem dedisti: ut, corpore & mente renovati, puram tibi exhibeant servitutum. Per eundem Christum Dominum nostrum. *Resp.* Amen.

Et, factâ Venerabili Sacramento profundâ reverentiâ, accepto super humeros velo oblongo albo, quo in Processione usus fuit, ad Altare ascendit; Venerabile Sacramentum reverenter accipit; & stans, cum eodem, populo in modum crucis benedicit, nihil dicens; illudque in Tabernaculo, absque ulteriore incensatione, recondit, & cum suis ad Sacristiam vel Chorum redit. In majoribus Ecclesiis inchoabitur Matutinum: in minoribus cantari poterit cantio Paschalis: Surrexit Christus hodie, &c. post, vel alternatim etiam, Germanica per populum: Christ ist erstanden/ &c. aut Erstanden ist der heilig Christ/ &c. aut alia conveniens.